

Broj: 11-45-172-193-10/25
Sarajevo, 06.02.2026. godine

Na osnovu člana 64. stav (l), tačka b), člana 70. stav (3) i (6) Zakona o javnim nabavkama („Službeni glasnik BiH” broj: 39/14, 59/22 i 50/24), a na Preporuke Komisije za javnu nabavku broj: 11-45-172-193-9 /25 od 04.02.2026. godine, u Otvorenom postupku javne nabavke za Izvođenje radova na izgradnji višestambenog objekta (8 stambenih jedinica) u Općini Jablanica u okviru Programa obnove, koji se realizira grant sredstvima Vlade Ujedinjenih Arapskih Emirata namjenjenih sanaciji objekata i ublažavanju posljedica nakon poplava iz oktobra 2024. godine, Radovi 6/25 , provedenog na osnovu Obavještenja objavljenog na Portalu javnih nabavki pod brojem: 668-1-3-144-3-83/25 od 30.12.2025. godine, Ugovorni organ **d o n o s i:**

O D L U K U O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku broj: 11-45-172-193-9 /25 od 04.02.2026. godine, da se u cilju odabira najpovoljnijeg ponuđača po provedenom Otvorenom postupku javne nabavke za izvođenje radova na izgradnji višestambenog objekta (8 stambenih jedinica) u Općini Jablanica u okviru Programa obnove, koji se realizira grant sredstvima Vlade Ujedinjenih Arapskih Emirata namjenjenih sanaciji objekata i ublažavanju posljedica nakon poplava iz oktobra 2024. godine, Ugovor za javnu nabavku radova dodijeli ponuđaču GPI d.o.o. Konjic, sa registrovanim sjedištem u Trešanica br. 61, 88400 Konjic, ID: 4227020500009, sa najbolje ocijenjenom i prihvatljivom Ponudom broj: II-77.1/26 od 26.01.2026. godine , za ponuđenu cijenu od **1.255.730,32 KM sa PDV-om.**

Član 2.

Prijedlog Ugovora o nabavci dostavit će se na potpis izabranom ponuđaču, nakon isteka roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH”, broj: 39/14, 59/22 i 50/24), iz Priloga 4. tenderske dokumentacije, člana 47. stav (1) tačke a) i c) Zakona o javnim nabavkama („Službeni glasnik BiH”, broj: 39/14, 59/22 i 50/24), iz Priloga 5. tenderske dokumentacije i člana 51. stav (1) tačka a) do c) Zakona o javnim nabavkama („Službeni glasnik BiH”, broj: 39/14, 59/22 i 50/24) i iz Priloga 6. tenderske dokumentacije u roku od 5 kalendarskih dana. Rok od 5 dana teče od perioda dobijanja ili preuzimanja Odluke o izboru najpovoljnijeg ponuđača.

Član 4.

Izabrani ponuđač, kao uslov za potpisivanje ugovora obavezan je, u roku od 10 (deset) dana od dana prijema Obavještenja o rezultatu postupka javne nabavke dostaviti Ugovornom organu ovlaštenje Federalnog ministarstva prostornog uređenja za građenje građevina iz područja visokogradnje (stambene i nestambene građevine) ili ovlaštenja Federalnog ministarstva prostornog uređenja za izvođenje pojedinih dijelova građevine iz područja visokogradnje (građevinsko-zanatski radovi). Ukoliko izabrani Ponuđač u ostavljenom roku, propusti da dostavi tražena ovlaštenja/licence, prijedlog ugovora će se dostaviti Ponuđaču čija je ponuda po rang listi odmah nakon ponude izabranog Ponuđača.

Član 5.

Ova Odluka objavit će se na web-stranici Ugovornog organa (www.fmroi.gov.ba) istovremeno s upućivanjem primjeraka Odluka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” broj:39/14, 59/22 i 50/24).

Član 6.

Ova Odluka stupa na snagu danom donošenja.

O b r a z l o ž e n j e

Postupak javne nabavke za izvođenje radova na izgradnji višestambenog objekta (8 stambenih jedinica) u Općini Jablanica u okviru Programa obnove, koji se realizira grant sredstvima Vlade Ujedinjenih Arapskih Emirata namjenjenih sanaciji objekata i ublažavanju posljedica nakon poplava iz oktobra 2024. godine, pokrenut je Odlukom o pokretanju postupka javne nabavke, broj: 11-45-172-193/25 od 30.12.2025. godine.

U postupku prethodne provjere i ispitivanja tržišta za potrebe Federalnog ministarstva raseljenih osoba i izbjeglica, putem e-maila, dana 31.10.2025. godine poslan je upit o cijenama izvođenja radova (Predmjer radova) na adresu potencijalnih ponuđača: Izgradnja Tojaga d.o.o. Mostar, GPD Drina d.o.o. Goražde, Braća Mičić d.o.o. Modriča, Dola d.o.o. Cazin, GPI Konjic d.o.o., Papiilon d.o.o., GD Konstrukcije d.o.o. Mostar.

Svoje odgovore sa ponuđenom cijenom u predviđenom roku dostavili su ponuđači Dola d.o.o. Cazin, GPI Konjic d.o.o. i GPD Drina d.o.o. Goražde.

Procijenjena vrijednost nabavke iznosila je 1.074.350,56 KM bez PDV-a.

Javna nabavka je planirana u Planu javnih nabavki za 2025. godinu, redni broj: Radovi 6/25- Grant sredstva Vlade Ujedinjenih Arapskih Emirata namjenjena sanaciji objekata i ublažavanju posljedica nakon poplava, JRNR: 45211340-4 Građevinski radovi na višestambenim zgradama, a koji je objavljen na web stranici Ugovornog organa (www.fmroi.gov.ba) u skladu sa članom 17. Zakona o javnim nabavkama („Službeni glasnik BiH” broj: 39/14, 59/22 i 50/24). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH”, broj: 39/14, 59/22 i 50/24). Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci broj: 668-1-3-144-3-83/25 je objavljeno na Portalu javnih nabavki (www.ejn.gov.ba) dana 30.12.2025 godine, Sažetak obavještenja o nabavci je objavljen u „Službenom glasniku BiH” broj 1, str. 117 od 09.01.2026. godine.

Komisija za javnu nabavku imenovana je Rješenjem Ugovornog organa, broj: 11-45-172-193-1/25 od 30.12.2025. godine. Komisija za javnu nabavku dostavila je Zapisnik o pregledu i ocjeni ponuda broj: 11-45-172-193-8/25 od 04.02.2026. godine, odgovornoj osobi Ugovornog organa.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

RB	Broj protokola	Naziv i sjedište ponuđača	Koverta ispravno zatvorena (zapečaćena ili potpisana) (da/ne)	Ukupna cijena ponude u KM (bez PDV-a)	Popust na cijenu ponude u KM (bez PDV-a)	Ukupna cijena ponude sa popustom u KM (bez PDV-a)
1.	11-45-172-193-4/25	GTR d.o.o. Mostar	Da	1.074.302,35 KM	0,00 KM	1.074.302,35 KM
2.	11-45-172-193-5/25	GPI d.o.o. Konjic	Da	1.074.348,12 KM	0,00 KM	1.074.348,12 KM

Konstatovano je:

- da su ukupno dostavljene 2 (dvije) ponude,
- da su blagovremeno zaprimljene 2 (dvije) ponude,
- da nije bilo neblagovremeno zaprimljenih ponuda i
- da sve blagovremeno dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove. U procesu tehničke evaluacije, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je da sve dostavljene ponude ispunjavaju tehničke uslove date u tenderskoj dokumentaciji.

- U tabeli br. 2 dat je pregled i izvršeno je rangiranje prihvatljivih ponuda prema kriteriju za izbor ponude „najniža cijena“ kako slijedi:

RB	Naziv ponuđača	Cijena iz obrasca ponude bez popusta i bez PDV-a	Popust	Ukupna cijena nakon računске provjere (sa popustom i bez PDV-a)
1.	GTR d.o.o. Mostar	1.074.302,35 KM	0,00 KM	1.074.302,35 KM
2.	GPI d.o.o. Konjic	1.074.348,12 KM	0,00 KM	1.074.348,12 KM

U procesu tehničke evaluacije ponuda, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je da sve dostavljene ponude ispunjavaju tehničke uslove date u tenderskoj dokumentaciji, te su iste dalje bile predmet provođenja postupka nabavke uz korištenje sistema e-aukcije za kriterij cijene „najniža cijena“, kako slijedi:

Broj postupka: 668-1-3-144/25

- Vrsta postupka: Otvoreni postupak
- Kriterij za dodjelu ugovora: najniža cijena
- Predviđeno vrijeme trajanja e-aukcije: 30 minuta
- Naziv predmeta ugovora: Izvođenje građevinskih radova na izgradnji višestambenog objekta u Općini Jablanica (8 stambenih jedinica).

Rang lista ponuđača koji su pozvani da učestvuju u e-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	GTR d.o.o. Mostar	4227184360003	1.074.302,35 KM	1.
2.	GPI d.o.o. Konjic	4227020500009	1.074.348,12 KM	2.

Period trajanja e-Aukcije:

- Početak: 03.02.2026. 10:00:00 sati
- Završetak: 03.02.2026. 10:30:00 sati.

Konačna rang lista ponuđača koji su učestvovali u e-aukciji:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	GPI d.o.o. Konjic	4227020500009	1.073.273,78 KM	0,1% **	1.
2.	GTR d.o.o. Mostar	4227184360003	1.074.302,35 KM	0%	2.

Nakon provedene e-aukcije tehnički zadovoljavajućih ponuda, koja je održana dana 03.02.2026. godine, konstatovano je da je ponuđena najniža cijena od strane ponuđača **GPI d.o.o. Konjic** u iznosu od **1.073.273,78 KM** bez PDV-a.

Nakon izvršene ocjene ponuda, Komisija za javnu nabavku je uz Zapisnik o pregledu i ocjeni ponuda, broj: 11-45-172-193-8/25 od 04.02.2026. godine, dala svoju Preporuku za prihvatanje ponude i donošenje odluke o izboru najpovoljnijeg ponuđača broj: 11-45-172-193-9/25 od 04.02.2026. godine, za dodjelu Ugovora prvoplasiranom ponuđaču na rang listi **GPI d.o.o. Konjic**.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa Zakonom o javnim nabavkama („Službeni glasnik BiH” broj:39/14,59/22 i 50/24) i kriterijima iz tenderske dokumentacije.

Uzimajući u obzir naprijed navedeno, primjenom člana 64., stav 1., tačka b) Zakona o javnim nabavkama („Službeni glasnik BiH” broj: 39/14,59/22 i 50/24), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

Nerin Dizdar

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke
- a/a